
АҲОЛИ МУРОЖААТЛАРИ АСОСИДА ҚИШЛОҚҚА 25 ТА ЯНГИ ЭЛЕКТР ТАЯНЧ УСТУНИ ЎРНАТИЛДИ

Учкўприк туманида аҳолини сифатли электр энергияси билан таъминлаш, тизимдаги мавжуд муаммоларни бартараф этишга алоҳида эътибор қаратилмоқда.

Туман электр таъминоти корхонаси ходимлари томонидан паст кучланишли электр тармоқларини янгилаш ва модернизация қилиш дастурига асосан электр тармоқларини таъмирлаш ва реконструкция қилиш ишлари жадаллик билан олиб борилмоқда.

Аҳоли хонадонлари ҳамда ижтимоий соҳа объектларида электр энергияси таъминотини яхшилаш учун ҳудудларга янги таянч устунлари келтирилиб, қўшимча ҳаво тармоқлари тортилмоқда.

Жумладан, Ҳасанқора қишлоғи аҳолисига сифатли электр энергияси етказиб бериш мақсадида 25 та янги электр таянч устунлари олиб келинди.

Учкўприк тумани ҳокими Аброржон Асқаров томонидан ушбу ҳудудни "маҳаллабай" ўрганиш жараёнида аҳоли мурожаатлари асосида электр таъминоти корхонаси масъулларига тегишли кўрсатма ва топшириқлар берилган эди.

Ушбу мурожаат қисқа фурсатда ижобий ҳал этилиб, ҳудудга янги электр таянч устунлари олиб келинди. Айни вақтда ҳар икки қишлоқда темир-бетон таянчларини ўрнатиш ишлари якунланди.

Туман электр таъминоти корхонаси раҳбари Наримонжон Мелиқўзиевнинг маълум қилишича, мазкур ҳудудда режа асосида 800 метр янги ҳаво тармоқлари тортилган.

Мазкур ишлар натижасида ҳудуддаги 300 га яқин истеъмолчиларнинг электр таъминоти яхшиланади.

2022-08-08 10:33:28